

**Rapport annual dalla suprastanza dalla pleiv da Pitasch
1. da schaner 2015 – 31 da december 2015**

Radunonza dalla pleiv

La radunonza dalla pleiv dils 14 d'avrel 2015 ha approbau il protocol, il rapport annual ed il quen annual. Hosp: Signur Andreas Thöny, president dil cussegl dalla baselgia ev.-ref. dil Grischun

Sesida dalla suprastanza dils 24 da fevrer 2015:

Preparaziun dalla radunonza generala dalla pleiv

Sesidas dalla suprastanza

dalla cuminonza da pastoraziun da Luven, Flond, Pitasch e Duvin:

Diversas sesidas per l'organisaziun dalla fiasta ecclesiastic 2016 a Flond

Colloquis

La fiasta ecclesiastica d'anzeinsas,ei stada a Tamins .

Primavera 2015

Discussiun davart il sboz dalla lescha ed igl uorden da finanzas; critica: ils basegns dallas pintgas pleivs ein buc considerai.

Atun 2014

Avon miezgi: Dieta davart il survetsch divin dallas dumengias

Suenter miezgi : La Fiasta ecclesiastica dils 5 da matg 2016 vegn ad esser organisada dallas pleivs Luven, Flond Pitasch e Duvin.

Pleiv

Survetschs divins comunabels: Ils 31 da matg a Sogn Martin, Glion, ils 30 d'uost a Duvin

Confirmaziuns dils 22 da mars: Marina Camenisch e Romina Christoffel

Sepulturas:

Simon Buchli naschius ils 10 d'avrel 1987, defuncts ils 21 da mars, satraus ils 28 da mars

Christian Nold-Lauener, naschius ils 8 d'uost 1955, defuncts ils 31 d'uost, satraus ils 4 da settember

Batten: Mael Alvin Alexander, naschius ils 7 da mars 2016, battegius ils 20 da settember: In festiv survetsch divin, cun biala musica ed in magnific matg da flurs! Lea e Suneni han gidau al plevon cun gronda premura.

Ils 5 da settember : Ser Albrecht e commembers dallas quater pleivs ein i sin viadi a Konstanz,all'exposiziun davart Johannes Hus.

Archiv: Ils 28 da matg ei igl archiv vegnius inspectaus ed anflaus en uorden. La vischala da batten ei vegnida restaurada. Deplorablamein eis ella periclitada dalla maglia dil zinn (Zinnfrass).

Sensaziun! Christian Nold ha surdau agl archiv il cudesch da baselgia digls onns 1837 – 1874.

Grazia zun fetg, car Tani!

La sera da pigniel ha giu liug ils 20 da december. Ils affons dalla scola da Duin han priu part, embellissond la fiasta cun cant e plaid per nossa vischnaunca e pleiv. Ser Albrecht e siu fegl Mattiu han sunau cello, quei ei stau ina zun biala surpresa.

Fiasta ecclesiastica 2016: La pleiv da Pitasch s'engascha cun jugs pils affons. (Natalia Caviezel e Catrina Cadetg)

Engraziaments

Nus graziein ser Albrecht Merkel per sia buna lavur en nossa pleiv.

In cordial engraziament schein nus era a Rita Caviezel, che tgira cun gronda premura nossa biala baselgia e che fa adina puspei plascher a nus cun zun bials matgs ed arranschaments.

Pitasch, ils 31 da december 2015

El num dalla suprastanza dalla pleiv: Catrina Cadetg, presidenta